

光緒重修安徽通志

重修安徽通志卷二百六十四

人物志

流寓一

古賢人君子偶寄之區後世追訪遺蹤莫不引以爲重潤色山川往往不符史傳姑弗深考安徽夙稱樂土李白栖於姑孰劉攽客於潁州前志旣傳爲嘉話今亦略有增補最古最確者莫若莊周之寓臨淮至潘天成之儒學朱駿聲之博雅又近代寓公翹楚也其他蒙難堅貞成仁取義遠違故土越在他鄉不有記之輒恐湮沒述人物志流寓傳

安慶府

漢橋元字公祖梁國睢陽人舉孝廉歷官至侍中光祿大夫光

和元年遷太尉二年以疾罷避地於潛卒葬彰法山

江南通志

按元本傳光和六年卒不言避地及所葬地章懷太子注引
魏志建安七年曹公軍譙遂至浚儀遣使祀元今姑存通志
府志之舊又按流寓一門往往與史傳不符或史所不及今
但取舊志注之

晉王祥字休徵臨沂人性至孝早失母漢末扶繼母攜弟隱大
雷三十餘年後仕魏至侍中武帝踐阼拜太尉進爵爲公

一統志

江南通志

王覽字元通祥繼母子也方數歲見祥被楚撻輒涕泣抱持母
虐祥妻覽妻亦必趨其漢末隨兄祥隱大雷山後歷官光祿大

夫

江南通志

唐李白蜀廣漢人安祿山反往來宿松匡廬閒結精舍於皖山

讀書其中

一統志
安慶府志

白居易韓城人貶江州司馬時作精舍於廬山居之游皖司空

諸山至絕巘有修真意

安慶府志

畢誠字存中河南偃師人早歲讀書舒州主簿山今遺趾尚存

擇地葬親掘土得石作瀟山賦鐫其上

一統志江南通志

羅隱字昭諫浙江餘杭人偶游至皖愛小茗山蓮花峯築室隱

焉興狂則泛小舟載酒酣飲終日而後返

一統志

朱徐鉉字鼎臣廣陵人南唐時巡撫楚州捕得賊首不俟報卽

斬之坐專殺流舒州

安慶府志

潘閔江都人少工詩自號逍遙子坐盧多遜黨避地舒州瀟山

寺中爲行者題詩鐘樓云頑童趁煖食春睡忘卻登樓打曉鐘

孫瑾見之曰此必潘逍遙也令寺僧呼之已亡去

一統志

黃莘蒲城人父孝綽抱德不仕僑居舒州之太湖人稱瀟山先

生

福建通志
新增

馮京字當世江夏人少讀書於皖之萬松山自鄉舉至廷試皆

第一

江南
通志

陳瓘字瑩中南劍州沙縣人少寓居瀋讀書彰法山後擢第黃

魯直題其所居閣爲擢秀

一統
志

黃庭堅字魯直洪州人嘗讀書舒州有四處一在瀋山石牛洞

一在山谷寺之西北因號山谷道人一在桐城樅陽鎮後人卽

其地建達觀亭一在桐城外太霞宮後有石如盤庭堅每居其

上以望湖光因名望湖石

一統志
桐城縣志

徐俯字師川洪州人黃庭堅之甥也少負奇氣七歲能詩從庭

堅寓舒州與洪駒父胡少汲相賦詠甚適

一統
志

楊萬里字廷秀吉水人張浚謫永時萬里爲零陵丞請見之浚

勉以正心誠意之學因榜其堂曰誠齋嘗愛瀟山水游寓於舒

江南通志

周必尹江西信州人官龍圖閣學士因兄必大官安慶遂家望

江冢在永思寺

安慶府志

龐安時蘄水人世醫也爲人治病率十愈八九嘗詣舒之桐城有民家婦孕將產七日而子不下安時之弟子李百金適在傍舍邀安時往視鍼之生一男

宋史本傳
新增

龍仁夫字觀復江西永新人父起濤避兵居太湖之涼泉鍵戶著書深明性理之學州郡交辟不起仁夫官湖廣儒學提舉晚居黃岡呂文煥降元與仁夫有舊下江州仁夫過之招飲琵琶亭仁夫卽席賦詩云老大蛾眉負所天忍將離恨寄哀絃江心正好看明月又抱琵琶過別船坐客皆掩泣罷酒卜築望江隱

居著述所著周易集傳其言多先儒所未發

一統志
江南通志

金王庭筠字子端河東人泰定閒進士愛皖之司空山居焉自

號司空行窩寄者

江南
通志

元薩都刺字天錫蒙古人世居雁門泰定進士爲燕南道廉訪

司照磨登司空山太白臺歎曰此老眞山水精也遂結廬其下

避世終焉

一統志
江南通志

朱公遷樂平人文公裔也至正閒官金華學正著有詩義疏傳

後同其長子僉遷於潛

江南
通志

陸宰字元均山陰人常攜客黃安時遊浮山今有陸子巖蓋其

棲隱處

安慶
府志

李羅特穆爾元宗室也順帝北去更姓名曰羅順臣南走至桐

遂家焉子孫以羅爲姓其後有寅英顯皆舉於鄉

安慶
府志

張仲四郡陽人領總轄淮舒職至正間徐頴斬黃盜起仲四屢破之諸路悉平餘黨避宿松權貴撒敦嫉仲四功遣勦宿松賊望風走撒敦又以事中之上憐其勦得不死解兵柄隱宿松之西源山屬其子貴三勿忘元主恩及聞順帝出居庸憤鬱而卒卽葬西源山貴三入明以父治命匿不肯出五世合葬百餘口會食以尊卑長幼爲坐次人稱爲一鍋張

宿松縣志新增

明李新之字湯銘順天人景泰時舉人官饒州訓導左遷桐城竹子湖河泊所訪李公麟遺跡嘆曰山情水色正爲我輩遂隱

居龍眠

江南通志

鄧宗經會稽人成化閒爲潛學官纂修郡志善詞賦致仕遂家潛東門外築頤老莊以自娛

江南通志

王宣字化卿金谿人其父客桐生宣童子時卽以游女詩得名

後復來桐一時名卿咸與之游博習羣書晚而好易所著有易

邇自成一家尤好因果錄所聞見著龍馬言及金剛經解

安慶府志

施得裕字惟一雲南鶴慶府人崇禎時爲黃州同知城陷賊知

其廉釋之遂攜家寓望江學圃蒔花以詩酒自娛

江南通志

佟世思字儼若遼東人觀察國楨之子觀察自江西罷官寓皖

數載世思與郡中羣彥結問渠會勸善規過人稱佳公子所著

有梅堂稿

安慶府志

國朝葉筠字竹君湖廣公安人工詩文尤深性理諸書明季屢辟

不就擔簦游四方至皖愛江山之勝因寓居焉

江南通志

趙珀成都貢生父宗普令潛山攝宿松篆珀隨任奉侍宗普自

郡還至東流遇盜墮江珀沿江哀號得屍斂之會獻賊屠蜀不

能歸寔遂葬於宿松廬墓四載後謁選授平涼通判還家於宿

松宿松縣志
以上舊志

潘天成字錫疇江蘇溧陽人寄籍桐城爲安慶府學生幼隨父
母避仇相失年十五乞食尋親微甯山中行且哭大呼作鄉語
至江西界母金氏聞聲自巷中山相持哭遂迎父母歸傭販以
養從湯之錡梅文鼎學遂爲通儒年七十四卒遺書有鐵廬集
五卷四庫全書提要稱爲義理文章莫大乎是祀府縣忠義孝
弟祠四庫全書總目 溧陽縣志
先正事略 以下新修

韓藻順天宛平人知東流縣罷官居懷甯諸子皆外出謀養有
女孝梅獨操家計藻老病女侍湯藥刺血寫經疏禱祈身代藻
卒女求死以救免自誓不字奉母終身後六年母病不起女絕
粒賦絕命辭三章未竟而卒懷甯縣志

吳雲儀徵人僑居懷甯有女淑儀受詩書史傳工吟咏適儀徵

程大受十年而寡舅姑繼歿攜三子來皖長萃次蒨季荃皆能詩出於母教淑儀所著詩文今存織餘窗草

懷甯縣志

馮福基小字長生山西代州人父焯寄籍直隸清苑任潛山縣天堂巡檢調淮淝軍營福基隨母畱天堂年十四讀經書傳注多解悟咸豐七年同母避賊以計脫其母而身被擄走廣濟宿藥肆陰置毒飯中斃賊十七人已亦仰餘藥血出賊酋見而不疑遂委之去有劉士扶者屬寺僧舍之因乞劉附書訣家人毒發死至同治元年巡撫李續賓以童年智烈奏奉

旨旌卹銀兩祀孝弟忠義祠天堂人義之迎其柩而葬焉

國史李續賓傳 潛山

縣志

錢泰吉字警石嘉興人刑部尚書陳羣曾孫與其兄給事中儀吉皆以學行知名時稱二石先生泰吉文似錢詹事詩似朱檢

討尤勤於攷古博聞多識而獨不利科舉以廩生官海甯州訓導二十餘年及次子應溥以拔貢官吏部直軍機處始謁告歸里而嘉湖諸郡一被粵寇適應溥乞養歸奉父母避地江西轉至安慶依曾文正以居時文正雖治軍旁午而好賢下士旁招俊乂相與講明有用之學同時新化鄧瑤歸安周學濬獨山莫友芝瑞安孫衣言鏘鳴兄弟合肥徐子陵南匯張文虎武進方駿謨等皆以文章氣節爲文正所禮接賓客甚盛而尤敬泰吉以爲有乾嘉老師宿儒氣象公暇小隊出幕府徑詣泰吉談藝竟日士大夫來皖必使見泰吉曰諸君欲廣聞見消鄙吝不可不一見錢先生其見推重如此泰吉耄而好學在安慶年已七十餘猶補校後漢書後二年竟卒所著有甘泉鄉人集曝書雜

記校勘三史等書

采訪冊

徽州府

漢汪文和建安中以龍驤將軍爲會稽令避地居新安子孫遂

家焉

徽州府志

陳業上虞人漢末爲會稽太守山陰朱育對濮陽興云太守陳

業潔身清行志懷霜雪正亮之性同操柳下遭漢中微委官棄

祿迹黟山以求其志高邈妙蹤天下所聞

徽州府志引會稽典錄

管輅平原人嘗學道祁門山中今有管公廟

江南通志

晉孔愉字敬康山陰人以功封餘不亭侯惠帝末避地新安山

中改姓孫氏以耕讀爲業信著鄉里後忽舍去人以爲神卽其

居立祠祀之

晉書本傳江南通志

唐許堅客遊於黟樂其山水遂家焉或曰堅卽許宣平也李白

見宣平詩以爲仙人閒關來訪不遇題詩於壁而去遂謁黟令

薛稷爲薛題畫一畫一贊世傳二妙

徽州府志

張志和字子同金華人肅宗時待詔翰林歸隱自號烟波釣徒

後寓居祁門縣十都子孫遂家於祁

江南通志

范傳正字西老鄧州人元和中爲宣歙觀察使後卜居休甯名

其地曰博村誌孟博後也

江南通志

洪經綸淮揚人建中時爲宣歙觀察使與士人講論爲宣歙文

學倡後寓休甯黃石復與子全遊婺源官阮卒遂葬焉

江南通志

孫萬登青州人官金吾上將軍同康承訓率師平蠻凱還道經

休甯愛山水之勝遂家黎陽鄉之唐田

徽州府志

夏元康會稽人乾符閒以進士爲歙州刺史起兵以禦黃巢及

草寇畢鵠等聞董昌僭據於越遂隱居休甯後楊行密表上其

功累徵不起

徽州府志

陳禧桐廬人避廣明之亂至休甯因家藤溪歿葬鬲山鬲山人

神而祠之徽州府志

廖嵩閩人官金部郎中與鄭畋討黃巢有功旋棄官有素篆二

鳥攜之行至祁門烏集華表上呼之不下嵩遂卜居號曰烏門

其裔建望烏樓徽州府志

劉依仁彭城人唐末官翰林避亂遂家休甯徽州府志

張徹字克明浙西人避黃巢亂卜居婺源徽州府志

後唐胡昌翼本唐昭宗之子朱溫之亂婺源胡三公者匿之以

歸遂從其姓登同光乙酉進士徽州府志

南唐李德鸞唐之裔也寓居婺源昇元二年舉卓異累官散騎

常侍所至有聲徽州府志

戴安宜春人保大中遷居休甯官祭酒御史徽州府志

余琳遂安人遷居休甯南唐時官殿院

徽州府志

謝詮會稽人官金吾將軍李氏歸宋詮恥之挈家隱居祁門王

公山下

徽州府志

游譽字子改青州人以進士仕南唐爲侍衛上將軍子潛亦爲

僉判國師何令通以諫牛首山陵不利謫官休甯譽與謝詮厭

世亂從之卜地遂居婺源

徽州府志引宋司空葉亨碧雲卷記

宋孫文質字守彬嘗攝知婺源遂家焉建隆閒拜御史中丞時

新安所在烽燧賴以承平先孝義興學校州人戴之

徽州府志

邵文肇字太初淳安人淳化中以三禮舉於鄉任歙州教授秩

滿諸生請畱因家休甯

徽州府志

蘇壽銅山人參政易簡子由水部郎中知歙州景祐閒愛休甯

山水之勝遂家焉

徽州府志

劉輝鉛山人客新安爲人傭書自給寓績溪汪氏家汪子弟試
堯舜急親賢賦輝竊代之師見其異詰之以實告始敬禮之還
鄉遂貢京師嘉祐四年舉進士第一元時猶有蓄其所書禮部

韻者

徽州府志

馬咸宣和間仕至直祕閣出知遂昌府後爲蔡京所忌辭官居
閒遷居婺源善醫嘗夢二青衣童子執符曰上帝號汝爲清虛

先生

徽州府志

翁由清江人重和進士知休甯縣剿方臘有功遂家休甯萬歷
中撫院題請建坊曰甘棠畱蔭

徽州府志

余道潛字希隱重和進士爲桐廬縣主簿值方臘亂避地徽州

愛婺源沱川之勝遂家焉

徽州府志

宗澤婺州義烏人靖康閒攜家寓歙所居今傳爲宗家脊

徽州府志

邵全嚴州人建炎中爲茶稅提舉司提舉遂居休甯人號其里

爲朱紫巷

徽州府志

孔端本字子輿道輔曾孫徽宗幸學訪先聖後賜上舍出身南

渡從行官影令樂其山水遂家焉

江南通志

呂廣問字仁甫開封人丞相夷簡後爲婺源簿南渡寓新安擢

禮部侍郎密定建儲之議孝宗卽位疏陳十二事知池州移徽

州後官至龍圖待制

江南通志

吳本湖州進士高宗時上書論宰執送徽州編管

一統志

趙不俄字文仲父仕檜以宗室南渡寄居於歙不俄登乾道丙

戌第官終淮西安撫使參議

徽州府志

王自中平陽人乾道四年議遣歸正人自中伏麗正門爭論且

言今內空無賢外空無兵當搜羅豪俊廣募忠力坐斥徽州

一統

志宋
史本傳

宋睨字益謙爲新安尉樂其山水遂家焉以權吏部尚書知臨安府孝宗時奏制敵便民理財三事上領可者數四官終集英殿修撰光祿大夫

徽州府志

馬廷鸞字翔仲饒州人淳熙庚子進士贅於婺源張氏遂家焉歷官中書右丞相兼樞密院使子六其五還居鄱陽惟季子端

益官紹興教授居婺源

一統志
徽州府志

李遇隆字叔興浮梁人紹定壬辰進士官湖南安撫使弟遇鳳知漢陽縣德祐乙亥兄弟挈家避兵於休甯遂居焉

徽州府志

徐寬字清叟豫章人度宗朝官部丞督勸吳江農桑事端宗時

棄官遷居祁門

祁門縣志
新增

沈珪嘉禾人初因販墨往來黃山有教之爲墨者以意用膠一

出便有聲故墨銘有十年如石一點如漆者品之至佳者也其

子先卒法遂絕

墨記方技

舊志新移

元李端鎮江人官御史出爲甯國路榷茶提舉嘗日食上書言

臣下失職所致英宗曰是朕之過也又言朝廷記注宜悉宣付

史館從之後遷居於休甯

徽州府志

姚榮軒官新安教授攬勝海陽瀛峯之下得首川遂家焉

徽州府志

明鄒以信原名雪以字行廬陵人洪武中以明經歷知婺源縣

與修永樂大典遷無爲知州後遂家於婺源祀名宦

徽州府志

趙文宇煥然齊河人洪武中爲徽州教授後奉父母二柩合葬

於歙官至左春坊左中允卒於官還葬於歙子孫遂占籍焉

徽州府志

府志

楊昇字孟潛錢塘人洪武中以舉人官徽州府教授秩滿僑居

於歛後卒於京師老親及妻子皆在歛貧甚歛人懷昇德爲築

室居之所著有拙齋稿春秋正義

徽州府志

湛若水號甘泉增城人嘗講學於歛之斗山書院又講學於休

甯之岐山天泉書院

徽州府志

姚舜牧號升菴烏程人嘗寓歛之巖鎮南山道院著五經四書

疑問學者從之里人遂於南山石側創立書院以爲講學之所

徽州府志

熊開元字魚山嘉魚人天啟乙丑進士崇禎時爲給諫以劾周

延儒廷杖遣戍後爲僧號葉菴住休甯之仰山僧俗禮謁隨人

提撕率皆愜心去後往遊蘇州數年卒於花山

徽州府志

李茂字小白蜀人明末知江山縣棄官寓居績溪而卒邑令爲

殯葬之

徽州府志

國朝張祖房字又良別號五岳山人不知其所自來順治間愛新安山水捆載其所著書至休甯訪吳懷英於還古書院時年八十七矣盡以所著周易關鍵周易訂謫一字春秋魯論覺言及書詩禮諸經講義八陣圖說授之懷英後懷英卒隱於黃山卒年九十三諸書亦漸流散其存吳氏者惟周易魯論兩書而已其學甚博兼精武技於天文術數遞甲之學尤所究心時或一言奇中善導引未嘗寢息蓋前代逸民云

徽州府志
以上舊志

許裕卿以醫往來休歙間有奇效能以手代鍼用推拿法世罕其傳著遞氣符醫紀黃遊諸集

江南通志
志方技
新舊

朱駿聲字豐芑江蘇元和舉人選旌德訓導以終制改黟縣訓導咸豐元年截取知縣親齋所著說文通訓定聲達部進呈得

旨嘉獎加國子監博士銜遂旋黟尋升揚州府教授道梗因卜築於黟

之石村自號石隱山人旋卒著書凡九十三種子孔彰讀書治

經解字有家學

縣志新修

甯國府

吳虞翻字仲翔餘姚人孫權時爲騎都尉數諫爭權不悅徙涇

縣

三國志本傳

唐查偉字文熙以明經歷官宣州刺史改池州復改南巖所至

有政績武德八年致仕由丹陽徙居涇爲涇查氏始遷之祖

志

來濟江都人貞觀中嘗與高智周郝處俊孫處約客宣城石仲

覽家仲覽有器識待四人甚厚後皆仕至公輔

唐書本傳甯國府志

李白往來宣南涇太閒其篇章載在集中者不下十之二三

甯國府志

府志

韓愈南陽人年十三自河陽從其嫂鄭氏就食宣城凡七稔學

成而去朱子韓文考異云愈有別業在宣城今敬亭山下有昌

黎祠

一統志
江南通志

白居易寓宣城爲宣城守所貢兄歿葬城西五里今稱白府君

墓居易祭烏江十五兄文所云宣城之西荒草道傍者也一統志

杜牧字牧之長林人

一作萬年人

官中書舍人嘗客宣城遊涇尋李

白題詩處上槩公樓歌詠徘徊不忍去

甯國府志

趙嘏字承祐山陽人會昌壬戌進士寓宣城最久有宛陵居上

沈大夫及下第寄宣城幕中諸公詩

甯國府志

羅隱字昭諫杭州新城人有詩名微時嘗遊於涇卒葬縣東七

十里

一統志按舊五代史杭州餘杭人此從潤泉日記

呂從慶字世膺河南人善詩避黃巢亂與弟從善隱居於歙之

場田其後弟畱而從慶入旌德萬山中朱溫之篡以祖伸仕唐

不復出卒年九十七自題其墓曰唐詩人豐溪漁叟之墓

江南通志

南唐吳仲舉字太冲永興人通春秋三傳李後主時為彭澤主

簿曹彬檄江南郡縣納款彭澤令已降仲舉責以大義殺彬使

者已而為彬所執義而釋之乃居宣州之涇縣為吳氏遷涇之

始祖十國春秋本
傳涇縣志

宋蔣之奇字穎叔宜興人謫官宣州愛涇山水客寓久之所至

題詠殆徧南國志

徐亮字懋忠龍游人大觀己丑進士官大理評事宣和間以諫

約金攻遼忤權貴落職靖康之亂避地宛陵徙居於涇今涇之

諸徐皆其裔南國志

胡瑗字翼之海陵人嘗從新安至涇訪縣尉曾公望同遊石壁

聞新建汪氏居相近卽太白題詩處因題古詩一篇并序書於

壁

甯國府志

王邦憲建炎中客居宛陵與鄉人相遇作集句見志有曰誰謂他鄉各異縣豈知流落復相見青春作伴好還鄉爲問淮南米

貴賤

一統志竹坡詩話

趙不吝紹興閒爲涇丞平寇俞一有功除德化令卒於官贈朝議大夫謚簡靜子善惠扶櫬葬於涇子孫家焉

涇縣志

貢祖文字仁德大名人靖康初扈從南渡授武德大夫居宣城

秦檜忌之廢於家岳飛之禍嘗爲匿其宗姓於別墅

甯國府志

仙仲友字輔仁河南湯陰人其祖柏齡官宣州僉判父名立字紹初建炎初扈駕南渡授殿前都虞候屢立戰功從岳飛平楊么破戚方先是飛拜表使柏齡起厝二帝二帝嘉之賜姓仙氏

至是立有功高宗以寶玩緙幣賚之辭曰臣世受國恩非所敢當帝愈嘉之以賜姓授之聖勅領惠州刺史食邑七百戶卒於杭仲友由武舉進身從破劉倪仕至武經大夫宣歙廣德三郡都巡檢遂家甯國卒於官諡葬縣東茅里爲甯國仙氏之始祖

甯國府志

鄧道光南陽人乾道閒官尚書幕南陵山水卜宅而居葬其夫

人章氏於石龍山

江南通志

劉有慶號損齋蜀人初任南陵主簿遂家焉後官翰林院待詔

子鑄元進士

甯國府志

戴表元字帥初奉化人咸淳進士至元不仕嘗寓宣城與邑諸

名士遊著有剡溪集

甯國府志

元劉善餘字有之鎮江人嘗寓宣城諸詞人雅相推重

甯國府志

明羅思忠象州人洪武初由進士授南陵知縣遷浙江僉事邑

人德之畱居本邑遂占籍焉

甯國府志

馬傑麻城人元末任歙縣令洪武初因兵亂移居南陵

甯國縣志

甘潤湖廣人洪武初知南陵縣遷蘇州郡丞父老泣畱因寓居

焉祀名宦

甯國府志

張懿新安人曾任鞏昌府徽州知州弟奉任梧州府通判同官

建文時見燕藩有異志棄官偕隱於太平下宅堯鳴樂其雲嵐

林麓之勝終身不出

甯國府志

劉魁泰和人以舉人官工部員外嘉靖時疏請緩建雷殿廷杖

下獄與周怡同繫久之得釋庚戌來訪怡畱數月去

甯國府志

石金字南仲黃梅人正德辛未進士官御史嘉靖中以諫止醢

祠忤旨謫戍宣州衛徜徉山水寓居柏枧禪舍後釋還著有陵

陽謫寓集

一統志
甯國府志

陳鶴字鳴野紹興衛武胄當襲不受善詩及書嘉靖時寓宣城

與梅守德唱和幾百篇

甯國府志

鄒守益字謙之安福人嘉靖時以議禮忤旨謫判廣德州往來

宛陵又至甯邑鳳山書院講學六邑士人以理學名者皆出其

門

江南通志
甯國府志

湛若水講學宛陵啟誘不倦

江南通志

王畿字汝中山陰人嘉靖間郡守羅汝芳延至與泰州王璧遞

主講席畿又至涇水西書院主講有水西講學錄今在龍溪集

中

甯國府志
涇縣志

錢德洪字緒山餘姚人講學水西會者常數百人又嘗講學於

甯邑獅山多所題詠

甯國府志

焦竑字弱侯江甯人嘗遊黃山主太平譚天賜家

甯國府志

湯顯祖字義仍臨川人嘗遊宛陵與沈懋學梅鼎祚交後爲南

儀曹往來益密

甯國府志

屠隆字長卿甯波人居宣城最久常偕梅鼎祚泛舟城東著緋衣作漁陽三槌哭於沈懋學墓作長歌弔吳仕期其意氣可以

想見

甯國府志

黃之璧字白仲越人書法名一時避地宣城經年始去

甯國府志

艾南英字千子臨川人負笈就湯賓尹歷時而去人方之康成

之於扶風

甯國府志

張慎言字金銘陽城人官尚書與甯國仙克謹姻婭友善淨家

宣城雲山嘯傲歷年始返

江南舊志

萬時華字茂先南昌人客宣城永慶寺訪沈壽民於麻姑山園

連數月而歸

甯國府志

周鑣字仲馭金壇人訪舊宛陵畱憩姑山學者雲集又遊於仙

源黃山著有黃山集

甯國府志

丁聖時字澹夫巴陵人崇禎戊辰進士客宣城挈家居焉匿姓

名與農樵牧豎爲侶

甯國府志

姜埰字如農萊陽人崇禎辛未進士官給諫疏劾周延儒廷杖

謫戍宣州衛會明亡未赴埰曰君命也終老戍所臨卒命其子

曰必葬我敬亭山下門人私諡曰貞毅長子安節移家廬墓遂

籍宣城

一統志甯國府志

楊烜字世旭遼東人明亡遊於涇查可期爲築畫峯山房以居
之皖撫余國柱耳其名介桐城姚文然來聘臬司夏一鶚與烜
有舊延之入幕諷之仕不許奉千金爲壽不顧而歸自是足跡

不出戶外

甯國府志

李光倬字仲昌南昌人以舉人官工部主事奉使命至宣城與沈壽民蔡蔡春等定交吟咏而別復命還都值李賊陷京師不屈死之以未補官紀事者遂逸其事

甯國府志

傅備字先夢黃岡副貢明亡爲僧與宣城蔡蔡春有舊遂來宛陵蔡春與錢鳳文湯纘禹梅磊樂一菴居之臨卒遺言以儒服

斂

甯國府志

陳文燭字玉叔沔人罷官後慕敬亭柏枧之勝僑寓二載

江南通志

程註孝感人明末官尚書楚中寇亂乃來太平依同宗程氏僑

寓二十餘年而去

甯國府志

國朝張玉書丹徒人官大學士游黃山寓居太平訪同年友杜瑜

周光啟之後索黃太松所畫黃山圖歸以當臥游

甯國府志

范騏字文碧海甯人主宣城梅銷家三十餘年兀坐一室以撰

述爲事遂卒於宣

甯國府志

高重望公安人前明舉人避亂居於甯國三世子儀順治戊戌

進士康熙間復歸楚

甯國府志

潘宗洛字書源宜興人寓居甯國時於西津垂釣不遺縣令一

牘時論高之

甯國府志

儲大文字六雅宜興人嘗授經於旌德呂氏逍遙涇水憑眺石

柱題詠最多

甯國府志

洪亮吉字穉存陽湖人授經於旌德譚氏往來遊寓於宣涇最

久題詠殆徧

涇縣志以上舊志

王湘山失其名湖南監生寄居宣城縣咸豐八年命子小湘投

効提督周天受營九年小湘隨隊陣亡湘山率妻姚氏次子小

山及子婦孫女俱投水死

續采訪冊

重修安徽通志卷二百六十五

人物志

流寓二

池州府

漢高獲字敬公汝南新息人少游學京師與光武有舊師事歐陽歙歙下獄當斷獲冠鐵冠帶鉄鎖詣闕請赦帝雖不赦而引見之謂曰敬公朕欲用子爲吏宜改常性對曰臣受性於父母不可改之於陛下出便辭去三公爭辟不應太守鮑昱行縣輒載其廬獲遂遠逝江南卒於石城石城人思之共爲立祠後漢書本

傳一
統志

唐李白曾由金陵上秋浦更名九子山爲九華徧游清溪白笥桃湖陂玉鏡潭江祖石大樓山苦竹嶺黃山桃花陂五松陵陽

之勝輒畱題詠池人於所游詠處建祠祀之一統志

李昭象字化文池州刺史方元子也方元罷池州卒於宣城其

家遂畱秋浦黃巢之亂昭象入九華結屋碧雲峯下與張喬顧

雲輩唱酬日垂釣流觴以自遣楊行密招之不赴卒葬同山一統志

池州府志

羅隱本名橫十上不第改今名父則爲池州鐵官隱遂家於梅

根浦刺史竇滂營墅居之又自號江東生及去有別池陽所居

憶九華等詩後依錢鏐嘗勸鏐討朱溫鏐不能用而心甚重之

一統志 十國春秋 池州府志

五代宋齊邱字子嵩豫章萬載人楊吳徐知誥當國將以爲相

齊邱避居九華山知誥遣其子景通親詣山中起爲中書侍郎

及南唐保大元年罷爲浙西節度使遂歸九華舊隱賜號九華

先生今山中徵賢寺沈機石皆隱居故蹟

一統志
江南通志

宋穆修字伯長鄆州人官泰州司理參軍負才與眾齟齬通判

忌之使人誣告其罪貶池州

宋史本傳
江南通志

滕宗諒字子京河南人官左司諫謫監池州酒稅葬其父於九

華之金雞原築書堂爲終隱計後知蘇州卒其子仍奉其喪葬

於青陽縣東之金龜原

一統志
池州府志

王安石微時與旌德汪洙銅陵胡舜元築室於銅之靈寶泉側

講學

池州府志

蘇軾元豐閒自黃州抵常道過銅陵與黃庭堅同會於陳公園

黃有雙墨竹詩

銅陵縣志

曹清字立甫甯晉人歷起居舍人天聖中謫知彭澤過貴池愛

東原山水遂棄官築室以居

一統志

孫冕臨江人直史館三十年晚知蘇州拂衣隱九華山

池州府志

孔武仲字常父新喻人知宣州坐元祐黨奪職居池州

一統志

魏野字仲元陝州人曾寓石埭之長林邑人合李白買陂李商

隱羅隱寇豹潘闥爲長林七賢

池州府志

沈遼字畝達錢塘人熙甯中忤王安石奪官流永州更赦徙池

州見九華喜曰使我自擇不過爾耳卽築石齊山上名曰雲巢

所著有雲巢集

一統志

陳邦光政和間爲太子詹事以忤蔡京安置池州

一統志池州府志

朱夢說宣和間布衣也上書論宦寺權太重編管池州

一統志

蕭振字德起平陽人政和七年進士知台州紹興間落職謫池

州後起知成都秦檜諷御史劾之復謫池州居住

江南舊志

國朝張輪江西人善陰陽風角貴池令趙衍建水德亭以弭火災

輪以爲不利主祭者因代令祭卽日死後邑人爲衍立祠以輪

配之

貴池縣志
以上舊志

太平府

齊謝朓字元暉陳郡陽夏人爲宣城太守愛青山有終焉之志

遂築室山南唐天寶間改名謝公山

一統志

唐李白流夜郎還依族人當塗令李陽冰結茅謝公山嘗乘月

與崔宗之由采石下金陵著宮錦袍坐舟中見者以爲神仙代

宗立以左拾遺召而白已卒葬龍山東麓有子伯禽生二女元

和末宜歛觀察使范傳正祭白冢禁樵采訪後裔二孫女因泣

請曰先祖志在青山頃葬東麓非本意傳正爲改瘞青山之陽

立碑焉

一統志
太平府志

南唐張瑁字仲玉刺宣州有惠政以事臨縣愛春穀鄉黃山之

勝因家其地戒子孫毋分析後人守之同居凡數百載

太平府志

宋潘閔坐盧多遜黨披緇逃度不免卽自首謫信州移太平結

廬瀕溪觴詠不輟

江南舊志

李之儀字端叔滄州無棣人舉進士元祐中爲樞密院編修官

以作范純仁行狀爲蔡京所陷編管太平州絕意仕進葬二親

於藏雲山自號姑溪居士有集七十卷行世

一統志江南通志

石待問字則善眉山人舉進士及制科仁宗時通判太平樂其

風土致仕後遂家蕪湖戒子孫當以儒學忠義自立黃庭堅題

其墓曰有宋賢良方正贈金紫大夫九謫而不悔自下劇上眉

山石公之墓

一統志

杜俟字碩甫成都人大觀間侍父宦金陵因寓蕪湖嘗從蘇軾

游自號野翁有詩文集

江南通志

陳規字元則安邱人靖康元年勤王有功以疾作請祠居當塗

後官淮西安撫卒於官還瘞青山人稱陳少師墓

江南通志

韓元傑字漢臣潁川人億五世孫以蔭知臨潁寇至倉卒元傑

左右射得潰圍走和議成大將悉解兵柄元傑請祠偕弟元象

就蕪湖家焉

江南通志
太平府志

孫世臣字國老海州人建炎中僑居當塗時許流寓就寓所貢

遂以太平州解成進士

太平府志

王淇字德機豫章人紹興初避李成亂徙家蕪湖自稱筓谷老

人卒年八十

江南通志

楊宏中字克甫福州人爲國子生趙汝愚竄永州宏中與同舍

生林仲麟等五人上書韓侂冑大怒將竄之嶺外余端爲丐免

乃送太平州編管時稱六君子

一統志

元完顏權字時中魏國莊敏公正叔之子正叔官於南愛當塗

溪山築室終老權歷官贛州信州通判卒葬浚家山

太平府志

明傅亨字子通涿州人官翰林學士寓采石子孫因家焉

太平府志

孫旭字景初江甯人卜築葛陽山南著嘯月堂集四十卷子石書法有父風姪昭樸僑居土山授徒自給作古篆骨格蒼勁摹

印尤佳得者珍之

太平府志

張愼言字金銘陽城人歷南京吏部尙書甲申後僑居蕪湖寄

食蕭寺以卒

江南通志

國朝李孔成字小亭前明世襲瀋陽衛指揮自關東攜族來僑居蕪湖時海氛未靖城中守備單弱孔成舊與總制爲戚屬冒險赴金陵求援賊知有備遂去事平有以蜚語陷蕪湖民人者孔成復力爲申辨得釋邑人德之盤桓山水閒三十餘年卒子孫

遂占籍焉

太平府志

蕭倫字彝敘閩人僑寓蕪湖金聲之殉節也從死者江天一及其族孫孟卿陳繼遇吳國楨余元英時有蕪湖僧海明者潛至金陵斂聲屍歸巷中倫初不識聲聞喪至往拜之見棺不美泣曰此豈足以斂公者卽以己所置棺易之徽人聞遵古素與天一有舊時亦寓蕪湖倫因與復至金陵盡斂諸從死者以還後諸家皆至蕪湖載柩還籍惟余元英吳國楨無人至遵古買地葬之倫爲立碑書姓名鄉貫誌葬處

蕪湖縣志

黃周星字九烟江甯人以湖廣籍成進士明季棄官以翰墨自娛後授徒蕪湖遂家焉

太平府志

劉曉字映葵江西彭澤人曾官浙江糧道康熙間卜居繁昌城

西遂占籍

太平府志以上舊志

廬州府

南宋鮑照字明遠東海郟人嘗居合肥梁縣鄉今讀書臺在焉

江南舊志

唐畢誠字誠之河南偃師人嘗讀書於舒城主簿山今主簿原

是也

廬州府志

宋楊繪字元素綿竹人皇祐閒進士第一仕至天章閣待制嘗

寓無爲州山中自號無爲子

一統志

謝枋得字君直江西弋陽人宋亡隱無爲之南鄉州人知之相

與建樓城隍廟左迎居之事以師禮後潛往江南爲薦者所偪

不屈死

一統志

元蔡章洛陽人官閩省員外郎至正丁未越海北歸遇大魚摧

舟漂流七日從台州登岸至舒城遂家焉

一統志

明齊克讓山東商河人元時官至中書省右丞相太祖命徙瀟

須魚米之地以養其老

江南舊志

沈純長興人永樂閒官合肥令後升刑部主事愛合肥湖山之

勝買田以居

廬州府志

陳壽字本仁江西新淦人成化進士官南兵部侍郎徙家合肥

正德壬申流賊之亂官軍躡其後所過侵掠壽嘗以都御史經

略邊鎮官軍向隸麾下聞壽在城中遂秋毫不犯

一統志廬州府志

國朝杜純甲蜀人曾官安廬兵備參議解組後隱於廬之朝霞山

廬州府志

陳上善字元水吳人寓濡須最久山水古蹟多所題詠又有余

思復者字不遠福建將樂人工詩善書客游三十年久留濡須

著有吳遊草

廬州府志

沙白字定峯江陰人渡江至濡須訪其族弟畱久之郡中古蹟

多所題詠所著有定峯樂府見稱於時廬州府志按沙白疑

魏侯聘字爾賓崇明人官巢縣教諭罄囊修學貧不能歸諸生

爲築室居之遂家焉廬州府志

張化鳳字羽皇河內人知連山縣後寓巢縣樂善好施人咸德

之廬州府志

熊嘉夢字魁吾三韓人束髮從戎官至都督寄居無爲州廬州府志

張芳傳字蘭晚宛平人官貴筑知縣其祖國楨曾知無爲州課

士勸農州人愛之後升廣信知府告歸遂寄居合肥廬州府志以上舊志

鳳陽府

周莊子者蒙人也名周嘗爲蒙漆園吏其學無所不闕然其要歸本於老子之言故其著書十餘萬言大抵率寓言也楚威王

迎以爲相莊周笑辭之終身不仕史記嘗與惠子游於濠梁之上

相與言魚之樂

莊子本書
舊志

舊志莊子在仙釋江南通志人物不載莊子而藝文著錄其書並注云今蒙城人古蹟又云漆園在今定遠縣卽莊子爲吏處今按漢地理志蒙屬梁國史記正義引枯地志漆園故城在曹州冤句縣北十七里漢志冤句屬濟陰郡故梁也續漢志梁國蒙有蒙澤卽春秋之宋地故劉向別錄以莊子爲宋之蒙人春秋之曹國爲宋所滅故漆園亦爲宋地宋王偃爲齊魏楚所滅三分其地故蒙又爲楚地沿革之故皆可推尋而知又莊子釣於濮水之上曹濮皆今山東地故知莊子非今蒙城人且定遠漢之東城屬九江郡與濟陰之冤句無涉冤句今山東荷澤縣西南是也蒙城漢之山桑屬沛郡與

梁國之蒙無涉蒙今河南商邱縣東北是也惟濠水出故臨淮縣濠梁在臨淮西南濠水經鳳陽府城西七里觀魚臺前元和郡縣志所謂莊子與惠子觀魚處也蓋莊子嘗游臨淮又臨淮縣東有莊子墓卽寧宇記所云鍾離縣有莊子墓在縣東二里者也蓋莊子卒葬臨淮皆與蒙城無涉故列之

寓餘詳辨訛云

新修

漢董奉居鍾離爲人治病不取錢愈者使栽五株杏數年計千餘株令人將穀一器自往取杏一器以穀賑救貧乏供給行李不逮歲二萬餘斛今鳳陽縣南有杏山

太平御覽

舊志

方技 江南通志

按御覽引魏夫人內傳云董奉侯官人今鳳陽縣實有杏山故參通志載之

唐尉遲恭字敬德開國元勳封鄂國公後居定遠縣東鄉子孫

世爲定遠人墓在石羊岡

江南通志

王質字華卿河汾人文中子五世孫少孤客壽春力耕以養母

講學不輟從受學者甚眾

一統志萬姓統譜

韓愈脫汴州之難居於符離睢上

韓文新傳

宋陳禾字秀貫鄆縣人曾爲左正言以諫宦寺權太盛謫監信州酒稅屢起屢罷禾兄秉爲壽春府教授待兄官居適童貫領兵道府下謁不得入餽之不受貫怒歸而詣之上曰此人素如此汝不能容耶

宋史本傳

郭延澤字德潤彭城人曾官史館檢討歷國子博士咸平中致仕居濠州城南有小園以自娛詠牡丹千餘首聚圖籍萬餘卷手自刊校范果韓丕皆與之游

宋史郭延澤傳江南通志

元窮問律蒙古人勳臣忻都之後附籍鍾離登進士授安慶路

達嚕噶齊將之官病卒卽其所居表曰恩桂坊

鳳陽府志

明周南老字正道道州人明初徵赴太常議郊祀禮禮成發臨

濠居住

經義考

張宣字藻重江陰人以考禮徵預修元史授翰林編修坐事謫

徙臨濠

明史趙璘傳

顧德輝字仲瑛崑山人子元臣爲元水軍副都萬戶吳平父子

並徙臨濠

明史陶宗儀傳

唐肅山陰人元至正間領鄉薦授嘉興路學正明初以例徙濠

州應薦召修禮樂書擢國史編修以疾失朝謫佃於濠之瞿相

山著有丹崖集

江南通志

李彬初任定遠知縣歷河南巡撫先是定遠立彬生祠明亡遂

移居焉出入一蹇一僕混跡稠人中莫知其爲前開府也

江南通志

黃璲字仲玉景泰閒訓導昌邑邑濱海樸陋璲加意教誨士風
聿變有昏惰欲求退者璲曰人才豈專於地產學業豈限於天
資少保忠宣黃公爾地人也乃當代名臣爾何不以鄉先哲爲
標準而甘自棄耶璲本上海人徙定遠兩地稱之曰我黃先生

云

江南通志
新增

萬元亨南昌人鳳陽推官文英子崇禎時流賊掠鳳陽知府顏
容暄爲所殺文英方臥病賊索之元亨年十八挺身代父出大
罵遇害文英獲免

一統志 舊志作萬文英
傳人名宦不合改纂入此

莊桐南陽人曾知壽州崇禎八年流賊亂住居鍾離卒遂葬焉
子孫卽入鳳陽籍

鳳陽縣志

國朝盧士珩漢軍鑲白旗人知靈璧縣罷官後無力歸里以例呈
請入籍鳳陽又宋文鑑漢軍舉人知臨淮縣解任後無力歸里

亦入籍鳳陽鳳陽縣志

盧清佩號紫庭山人不知其里居乾隆初流寓懷遠住東嶽宮

工書法行草入神在邑數十年兒童樵牧無不知有盧道人者

一夕有客過訪攜登卞和亭大哭聲聞數里後遂不復見懷遠縣志

舊志以上

冷向陽江甯人年十四父死江西卽往負骸骨歸後游幕於壽

州遂家焉壽州志以下新修

寶岳旗人前宿州知州寶仁之曾孫道梗寓於宿州咸豐十一

年率眾禦賊董家橋陣亡宿州志

潁州府

北魏劉模信都人太和中除潁州刺史寬猛相濟有治稱後遂

家於潁一統志

唐段珂汧陽人秀實孫僖宗時居潁州黃巢圍潁刺史欲以城

降珂募少年拒賊眾襄糧請從賊遂潰拜司馬唐書段秀實傳江南舊志

宋趙槩虔城人與歐陽修同居政府修謝事還潁槩單車過訪

流迎踰月時呂公著為守置酒宴二公修賦詩以誌盛事榜其

宴飲地曰會老堂泗水熱談

歐陽發字伯和廬陵人修長子也弟棐字叔弼次弟辨字季默

以父修知潁隨父卜居於潁州發早卒棐與辨屢見於蘇軾在

潁唱和之詩通江甫志

韓潭定陶人殿中丞德銘之孫愛霍邱淮水之勝遂卜居焉後

遷其祖同葬於蓼城之北授榮州學博調延縣主簿皆不赴潁州

府志

王回侯官人退居潁州不肯仕一統志

重修安徽通志卷三百六十五人物志流寓潁州存

明郭舉閩人官泗州學正入籍霍邱子元錫以歲貢任彰德府

通判有政聲

潁州府志

黃著鄧都人隆慶時任霍邱教諭歷楚雄府推官致仕後愛霍

風土清醇遂卜居焉

潁州府志

余慶餘姚人官霍邱尉得民心秩滿士庶挽留遂居霍入籍又

謝明教射洪人官霍教職愛霍之士沃風淳遂畱寓焉

霍邱縣志

國朝馬位字思三武功人祖瑯知永嘉縣耿逆之變殉節死父逸

妾以蔭歷官布政司解任後居亳生位十歲工詩驚其坐客長

益淹貫酷近昌黎書法亦深人晉人之室乾隆初張照薦其才

授刑部主事升員外郎未幾卒年二十九著有南垞詩五卷浙

人邵廷建爲葺補遺一卷

亳州志

白文彩通州人順治中任霍邱尉有政績解官後遂籍於亳又

王九吉任邱人康熙時知霍邱縣卸事愛其風土淳厚亦卜居

焉霍邱縣志

張謙字致和上元諸生隨父睿文游學於亳遂卜居焉亳州志

舊志

喻治蒲江西撫州人安徽縣丞父庸禮寄居潁南地里城集擒匪任柱攻圩一家被陷時治蒲自外返隨練入賊中救父出身

受重傷而死阜陽縣志

茅景商浙江山陰人安徽縣丞分理亳州關橋居於亳贈鬻女者銀妻陳氏亦樂善道光癸卯亳饑渴河水溢佐夫平糶費錢七千七百緡獨修河岸助修陳治溝橋子堦旒等並樂善好施

亳州志

趙玉直隸天津人河南知縣王廷棟之僕廷棟戍新疆遇赦歸

寓於毫玉隨往返咸豐三年廷棟已卒家屬避粵賊之難趙玉妻洪與趙子學普畱守均被害

亳州志

滁州

明馮謙浙江慈谿人嘉靖丙辰進士官南禮部侍郎遊於南譙樂其風土遂卜築全椒西南襄河圩居焉邑人宜之

滁州志

寶都遼東人天啟閒有戚何汝章任滁陽驛丞因依以居嗜學不倦後領崇禎庚午鄉薦

滁州志

林翹字蔚起莆田人官中書棄而隱於全椒愛神山之勝遂卜築焉博學精象緯風鑑諸書

全椒縣志

庾嗣衮廣西靈川人曾官四川兵備道謫來安知縣罷官不歸

遂畱而家焉

來安縣志

周必遵字鳴珂蘇州人官來安教諭二十餘年歷知連江縣罷

官後愛來安之簡僻遂卜居焉

來安縣志

國朝李猶龍字豈耳陝西鄖陽人明末由貢生官兵部主事福王時監左夢熊軍遷太僕寺少卿入

國朝自皖移撫天津後慕全椒風土瘠厚遂家焉著有雪嶺耕夫

集太乙鞭牛逢虎諸書卒葬滁州廣武衛郎峯山

全椒縣志

汪槐字樵亭江甯縣人乾隆辛巳進士知商邱縣以艱歸寄居

全椒乙巳歲饑布政使陳步瀛勘災至境槐爲陳邑民疾苦遂

得賑卹全活甚多士人感其德遂占籍焉

全椒縣志以上舊志

俞保年字祝之江蘇上元監生寓全椒咸豐八年粵匪陷城合

家殉難又上老歲貢江槐文生孫洪商人鄭向榮俱寓全椒家

屬並名於縣志彙請

旌表

全椒縣志新修

和州

晉紀瞻字思遠秣陵人徙家歷陽才兼文武忠亮雅正歷官領

軍將軍散騎常侍卒諡曰穆追封華容公

晉書本傳
新增

梁孫謙字長遷東莞莒人客居歷陽躬耕以養弟妹鄉里稱其

敦睦歷仕零陵太守以年老徵爲光祿大夫卒年九十二

梁書
本傳

增
新

宋彭思永字季長廬陵人歷知太平州熙甯二年致仕寓居和

州卒葬於和子衛居父喪哀毀以孝聞通判趙州有清節

一統
志

江南
通志

龔原字深之處州人歷官寶文閣待制出知廬州陳瓘彈蔡京

原與瓘善坐落職謫居和州起知亳州命下而卒

宋史
本傳

明危素字太樸金谿人仕元爲翰林學士承旨入明爲侍講學

士謫居和州守余闕廟卒

明史本傳

沈元昌字泰來吳人工詩畫客含山卒葬東門外斗岡

含山縣志

國朝許鏘字韻遠餘姚人前明天啟閒以貢授常州通判擒獲劇盜有功順治初子暢以舉人官含山教諭遂僑寓焉著有秋廬

集英白堂山居詩行世

含山縣志

陳澗字秋菴莆田人久客含山談鋒英發每屈四座詩文字畫工妙入神

含山縣志以上舊志

廣德州

唐張志和嘗寓於廣德州北二十五里築臺溪水之旁釣以適志意不在魚後人重之因名其地爲釣臺

廣德州志

宋盛瑞字晉祥河南人宣和閒進士紹興中愛不老泉之勝卜

居焉

江南通志

黃震字東發慈谿人寶祐閒進士咸淳中任廣德州判因家焉

著有黃氏日鈔

廣德
州志

景明襄陽人紹定時知江陵縣道經建平會父歿旅舍遂葬於

邑之東郊終身守墓

廣德
州志

趙時晦寓居廣德州死元兵之難

江南
通志

明倪原字本立湖廣人洪武初任廣德州判後寓居石碕湖東

善吟詠有詩集行世

廣德
州志

王叔英字原采黃巖人建文時官翰林修撰奉詔募兵行至廣

德州知事不可爲更衣冠書絕命詞藏衣裾閒自經於元妙觀

銀杏樹下道士盛希年葬之城西五里時御史古田林英亦在

廣德州募兵聞京城陷與妻宋氏俱自經

明史
廣
德州志

國朝乾隆四十一年王叔英

賜諡忠節林英

賜諡節愍

勝朝諸臣錄

王豫字介夫烏程人萬歷丁丑進士官福建僉事免歸講學桐

川著周易翼方演艮卦而逝

廣德州志

錢德洪餘姚人初鄉守益守廣德州築復初書院以講學德洪與王畿王艮前後皆來主講席畿山陰人請不貳過兩旬云心常定故不遷心常一故不貳

廣德州志以上舊志

六安州

宋程端中伊川之子知六安軍死於金寇葬霍之樟山子孫家

焉今六安英霍皆有支裔

六安州志

按池州志云葬於池英霍志皆言葬於霍姑兩存之以俟考蘇杲眉山人士由之孫南渡時避亂霍山藏有子由告身一通

遂居於霍

六安州志

元程千四明道十世孫元末自穎至六安居九公山自明至今

世有奉祀

六安州志

明孔彥繪至聖六十世孫父善洪武中爲英山教諭善父祥卒

於英卜葬焉爾彥繪守塋遂爲英山人代有奉祀生

六安州志

馬震字啟東汲縣人成化丙戌進士官廣東參政愛六安風土

遂卜居焉子建工詩善書

六安州志

彭訓民字化欽順天人流寓六安詩有奇氣精通易理卜筮無

不驗

六安州志

孔希贊至聖五十六世孫奉其母隨外家之任六安未幾卒不

克還葬遂家焉成化閒題准蔭襲奉祀免其里徭

六安州志

閔貴瑯琊公五十七代孫成化時避寇寓六安生子達傳五世

孫文光題襲奉祀

六安州志

漆雕軻漆雕子後裔流寓六安世有奉祀

六安州志

邵起餘姚人崇禎時令蘄水調英山僑居於英後官至大梁道

解職歸卒於英

六安州志

史洪謨字經三廣甯人僑居六安登進士知宜陽縣罷歸乙亥

春流寇突至州守以公事出人心惶迫洪謨慷慨登陴奮勇禦

敵城賴以完

一統志

賴某福建人崇禎時爲英山縣尉十四年賊破新城巷戰受重

傷絕而復蘇後家於英

六安州志

劉安江西人官都指揮使崇禎時致仕遂居於霍歲旱助賑三

月多賴生全卒葬縣南三里馬鞍山

六安州志

國朝胡良鄉安定裔游學於六遂家焉十六世孫應順奉祀

六安州志

侯雍字碩膚順天人明駙馬拱宸孫襲錦衣衛指揮使工吟咏

嗜山水遊六安遂家焉

六安州志

洪尋字味須流寓六安能詩善書工鐵筆兼畫山水著有指香

亭集

六安州志

毛弢采字華階山陽諸生工詩善隸書寓六安四十年晚與州

中閭其淵等聯社賦詩飲酒名七老會既卒其子其扶櫬歸

六安州志 以上舊志

韋長春湖北人隨母乞食至霍山積傭工錢三百緡買田爲太

陽保東河設渡費眾感其義斂資製筏以濟往來

霍山縣志新修

泗州

唐權皋字士繇泰州略陽人擢進士第安祿山表置幕府度祿

山必反奔臨淮天下皆仰其節

唐書本傳

呂伯宗東萊之後安撫盱眙卒於官子孫遂占籍焉盱眙縣志

明李楨文忠之父也嘗避兵至五河仁信縣築城其處土人稱

爲曹公城五河縣志

林庭蘭洪武初知盱眙縣黃醕天順閒知盱眙縣皆卒於官子

孫俱占籍焉盱眙縣志

國朝馮之圖字祕菴興國人前明甲戌進士官參議順治閒訪舊

寓泗泗人從之遊講學論詩敦崇古義有先民風泗州志

黃周星晚遊江淮閒泗人慕其名延之教授其所著述奇峭入

古至今重之泗州志

楊廷欽武進人貢生官泗州教職卒於官其子孫家舊縣鎮盱眙縣志

縣志

伍三秀蜀人曾官河南推官康熙時流寓五河邑令延修邑志

因家於縣卒遂葬焉

五河縣志

軒較誥山東汶上人乾隆己未會元表第時嘗游學鳳泗數至

五河寓真武廟一時名流咸相與賡酬唱和

五河縣志

王之智丹徒人寓居五河其孫民皞中乾隆壬子副榜

五河縣志

于宗林字子道丹徒人少隨父游學於五河嘉慶丙辰舉孝廉

方正以親老不赴家居侍養著有四箴齋文集

五河縣志以上舊志

重修安徽通志卷二百六十六

人物志

列女

聖朝子元元而教育之至深且久黎民於變時雍至於婦人女子亦習知大義節孝貞烈史不絕書屬邁潢池變故舍生完節者其數多於前代徧於天下不獨安徽風俗之厚如舊志所云也舊志列女以節烈貞烈節孝賢淑才媛爲次江南通志則首賢淑今依其例移冠篇端餘仍舊次以謂賢淑者節孝貞烈之統名猶名賢居人物志之首也孝先百行宜特書舊稱附孝婦附孝女今並刪去附字自爲一卷晉書有言激揚千載意在斯乎昔子政緝之於前元凱編之於後范書肇爲列傳而不專一操南史乃以雜廁孝義傳中唐宋汜明史例謹嚴今竊取其義述人

物志列女傳

列女賢淑

周孫叔敖母楚人叔敖兒時出游見兩頭蛇殺而埋之歸而泣
母問其故對曰聞見兩頭蛇者死今見之恐去母而死也母曰
蛇今安在曰恐他人又見殺而埋之矣母曰吾聞有陰德者必
報以福汝不死也後果爲楚相

列女傳

江南通志 此卷暨
才媛卷舊志未注原書今並補

注其未詳
者從闕

秦陳嬰母東陽人嬰故東陽令史居縣中素信謹稱爲長者秦
末大亂少年殺其令相聚得二萬人欲立嬰爲王母謂嬰曰自
爲汝家婦未嘗聞汝先世有貴者今暴得大名不祥不如有所
屬事成猶得封侯事敗易以亡非世所指名也嬰乃不敢爲王
以兵屬項梁

史記

漢范滂母細陽人建甯二年大誅黨人詔下急捕滂滂白母曰
仲博孝敬足以供養兒從龍舒君歸黃泉存亡各得其所惟大
人割不忍之恩勿增戚戚母曰汝今得與李杜齊名死亦何恨
既有令名復求壽考可兼得乎滂跪受教聞者無不流涕

後漢書

晉劉惔母任氏斬人

晉書無斬人字
惔沛國相人

有高識家貧與惔寓居京

口惔稍知名論者比之袁羊惔喜還告其母母曰此非汝比勿
受之又有方之范汪者惔復喜母又不聽及惔年德轉升論者
比之荀彧

晉書

江

唐桓彥範母丹陽人武后末年彥範爲右羽林將軍掌禁兵既
與宰相張柬之籌定匡復之計以事白母母曰忠孝不並立義
先國家可也彥範遂同柬之等引兵入宮廢太后奉中宗復位

唐書

江

南通志

李白二孫女一歸陳雲一歸劉勸皆農夫宣歙觀察使范傳正
改葬白於青山之陽欲令二女改適士族辭以孤窮失身命也
不願更嫁傳正賢之免其夫徭役

唐書舊志

宋安慶老嫗黃幹知安慶府築城成會元日張燈有老嫗百歲
二子輿之諸孫從至府致謝幹禮之命具酒炙且勞以金帛嫗
曰老婦之來爲一郡生靈謝耳太守之賜非所冀也不受而去

宋史道學傳

李之儀妻胡氏之儀滄州無埭人以撰范純仁遺表蔡京陷之
獄氏之京師得范手創藁證之得免後編管太平遂家焉氏性
純孝負土葬親淚落枯枝得生

呂希哲母申國夫人魯氏參政宗道女壽州人性嚴有法雖甚
愛公然必教以規矩甫十歲侍立終日不命之坐不敢坐日必

冠帶以見長者平居雖甚熱在父母長者之側不得去巾襪縛
袴衣服唯謹行步出入無得入茶肆酒肆市井里巷之語鄭衛
之音未嘗一經於耳不正之書非禮之色未嘗一接於目故公
德器成就夫人之力居多焉

壽州志引呂氏童蒙訓及朱子小學外篇

呂希哲妻張氏全椒待制盥女最鍾愛然居常至微細事教之
必有法度如飲食之類飯羹許更益魚肉不更進也時張公已
爲待制河北都轉使矣及夫人嫁呂氏夫人之母申國夫人姊
也一日來視女見舍後有釜竈大不樂謂申國曰豈可使兒輩
私作飲食壞家法耶其嚴如此

壽州志引呂氏童蒙訓及朱子小學外篇

周虎母何氏臨淮人開禧中虎守和州金兵入境虎母傾家資
以犒軍士破敵全城事聞特封感義郡夫人誥詞略云使天下

爲母者皆知以是教子爲子者皆知以是顯親

江南通志南
畿志四朝聞

見錄

元李敘妻當塗人幼通經史明大義教子習翼不令與鄰童相聚嬉戲就傅少怠卽不語不食夜分必持敝衣在旁補綴課讀故二子皆成名儒

江南通志

明何思鰲妻方氏桐城人大學士如寵母也思鰲爲諸生時力學不問生產氏操家政井井內外無閒言舅松坡晚年半體不仁噉粥必以味爽方按候躬進膳者五年姑患痰疾事之尤謹後思鰲以明經令棲霞仲季相繼舉進士家世貴顯每語諸孫婦親屬必舉躬紡織親盤箸諸事以訓爲太夫人四十年凡先後冠帔一服卽收高閣衣不十紵不易壽九十五三子一女孫曾五代繞膝者數十餘人長子如達上林丞次子如申陝西布政使以三子如寵官大學士贈一品夫人

桐城縣志

姚孫棐妻倪氏桐城人太僕卿倪應春女也孫棐未第時好客喜周急不問生產有所需氏則伏飾服奉之棐令東陽獨以行仁義施惠澤爲內助黨禍起有欲以危法中其仇某者詞連東陽令諸子計脫父請於柄臣柄臣曰若能疏事屬某則可氏聞召諸子曰汝父義不負某勿爲也後卒免於難

懷甯縣志
新增

監生徐顯達妻汪氏潛山人嘗讀女孝經至婦德婦言婦容婦工曰婦止貴德工耳安用言容爲父異之曰言亦德言容亦德容也布政使徐堯莘聞其賢爲長子顯達委禽焉執婦職事舅姑以孝聞飭顯達讀書常達旦氏進茗易燭無倦容友至講藝解簪珥爲治饌由是爲名下士蓋多得於內助之力焉

潛山縣志

田可登妻劉氏宿松人幼慧能讀女史長適可登事舅姑至孝性慈喜賑貧可登以苦讀弗售致心疾氏湯藥益謹登殞氏誓

以死殉諸娣姒止之曰親老孤穉未可死也氏乃剪髮破容教子長有年次達年皆文章顯貴如母教卒年七十三里人猶奉其懿範焉

宿松縣志

陶安繼妻陳氏當塗人夫病歿前妻子昱坐法當從軍陳叩閭泣奏立卽飭昱歸養封陳氏姑孰郡夫人

當塗縣志

謝孚妻馮氏當塗人孚任福建副使尋巡陝西皆隨行嘗從容請曰君無以己身廉明遂自安亦預防他人連及獨不記青田事孚以孚爲御史時青田寺僧說孚當有罪及後果爲他事繫獄也孚決囚多平反馮喜曰君用心如此妾之願也壽八十歲終

當塗縣志

姚善富妻王氏建平人善富入太學燕師起其叔恕以壻陳迪故死節善富又以叔故自經陳屍御史廊下七十五日凡三伏

關上疏乃得歸殯

建平縣志

束守顏妻陳氏舒城人寇至攜二子避難曰生者可無子死者

不可無子遂棄己子畱前妻子

廬州府志

賊去母子獲全

舊志

季廷俊妻孔氏無爲人廷俊早亡氏撫遺腹子仕寬季自宋元

同居至天順開始析產競取豐腴氏祇受瘠田數畝曰吾子幼

多藏焉用有族某甚富誤毆族人死鳴於官族惟氏最長一言

可活罪私餽百金乞全其生氏力拒之仍謁長吏白其事得釋

無爲州志

徐致章妻楊氏六安人性柔惠賢而知義父志仁官建德學博

寇犯江北偕夫往依之已而六安城陷兩叔以兄嫂故亦挈家

而往楊典釵釧供其用後致章官主事權淮浦稅歲饑助夫買

棺二千餘斂死者有女瞽張氏相依已久病篤時密告以窖金

所曰可取以葬我及歿出資厚斂之呼其家告以金處令藥之

歸

六安州志

黃鼎妻鄧氏六安人多才智優於方略崇禎壬午流寇左金玉犯六安諸皆悉破氏守白湖寨督子弟率鄉民分守伏奇制勝左賊中斃死村閭生聚咸受其福紀事者比之夫人城

六安州志

國朝王文星妻黃氏懷甯人善事舅姑遇歲饑氏解衣推食里有養婦章氏乞食氏惠愛弗衰宅旁阮姓墓圯氏助遷葬壽八十有四孫鑑清己卯副車

汪兆南妻吳氏懷甯人侍母盡孝舅疾刲股救愈南有總麻弟兆慶撫養婚娶割產授室

任之燦妻方氏懷甯人舅國楨宦游祖姑楊不欲之官姑命氏代養極得歡心後姑家居侍奉益謹燦歿身任義方五子秉命

如嚴父長子竣官戶部迎養氏以姑老不就及竣官廣東歸氏曰聞汝督下過嚴夫爲上司者一好苛細則小吏微役何所措手足汝慎毋以刑罰爲喜怒資也竣婦韓從竣宦游十年還侍膝下執勞習勤無異初爲婦時焉

懷甯縣志
新增

張英妻姚氏桐城人英位至台輔姚已爲一品夫人謙謹樸儉如寒門素風居第京師二十餘年比鄰孺婦稱爲老佛教子廷瓚廷玉廷璐廷瑑繼登華顯廷璫廷璵文學早卒諸孫亦擢科第爲大官並以名檢自持一門稟承慈訓家風莫尚焉卒年六十有九

江南
通志

胡宗緒母潘氏桐城人年二十八而寡子三宗緒臺諒皆幼貧不能延師氏自督課非孔孟朱程之書禁勿閱嘗命僕治宅掘地得金匿之以數十金獻氏正色曰人貴義命自安藏金豈祥

物哉弗納慮僕因是得禍立戒遣之壽八十三雍正五年

旌表

江南通志

方舟母吳氏莆田人桐城方仲舒繼室家貧撫前二女及所生子女凡八人黽勉中饋動循理法教子舟學成行立一時名士皆出其下苞舉進士官至禮部侍郎母病奉

特旨御醫視疾頒

賜內府藥物酒醴人以爲榮

江南通志

陳朝棟妻方氏桐城人事舅姑至孝姑歿舅有寵姬專家政無子舅爲立嗣朝棟曲推父愛讓產千金方氏實左右之至恤災拯困嘗至典衣脫簪里人呼爲陳佛云

安慶府志桐城縣志

熊象援妻徐氏潛山人性明惠務持大體舅官山左卒於任家益貧徐理家政井井乾隆乙巳丙午歲饑城中民相奪鄉里尤

甚徐率家人奉姑避山中祖墓側村嫗遠近周恤之皆感且泣
無賴飢民時時持斧入山山盡童每過墓側必相戒曰此熊母
家宰木也勿敢犯

朋晁長妻何氏太湖人幼知書爨內則相夫惟謹孝事繼姑夫
歿子甫八歲教之慈嚴兼至小有過責不少貸年逾七十猶口
授手批督課諸孫人以爲有和丸畫荻之風

太湖縣志

李長慶妻曹氏太湖人事姑孝先意承志務得歡心家貧脫簪
珥以供甘旨姑老患痰疾每夜不能安寢氏左右扶持動輒連
旦長慶客游家政身任之歲祲恆減食以給窮餓族親告貸典
衣給之不責其償教三子有義方旣皆登第雖膺翟莠猶不改

浣濯之素云

太湖縣志

甯耀祚妻王氏望江人夫亡守節道光癸未大水嘗捐千金以

助賑

汪九漪妻陳氏休甯人九漪爲諸生勤苦著述氏佐甘旨奉堂上歡姑黃氏特所鍾愛年踰九十語次及姑無不流涕教子孫有儀法康熙戊戌孫應銓以第一人及第明年氏百歲

旌表貞壽之門

御書期頤衍慶四大字內府製匾以

賜又明年卒

江南通志

戴式浚妻王氏婺源人浚兄弟析箸舅姑率浚同居澣濯執爨氏力勤操作以爲養翁卒浚以毀繼亡遺孤鴻緒撫之成立姑病晝夜撫摩姑欲諸婦分任之氏曰儻只一婦又將誰諉耶有乳媪將鬻子婦以償宿逋氏急出衣飾給之事得已

潘廷輔妻汪氏婺源人事舅姑孝先意承顏姑病目醫曰攻之

不可藥不至焉氏每晨起以舌舐數十次尋愈及舅姑歿瓜果肴菽必先薦乃敢食子四長邑庠娶胡氏能承姑訓姑病割股和藥以進鄉里爲之語曰姑孝咸其舌婦孝夷於股

葉燾妻吳氏黟縣人孝舅姑和妯娌歲荒以十指所餘給鄉里教子以義方及歿里黨爲之輟杵知縣江某榜門獎之

黟縣志

汪元鉉妻盧氏黟縣人夫得狂疾其父母欲辭婚氏矢志不二卒歸汪事舅姑善侍夫病撫幼叔成立完娶出簪珥助之生理葉元善妻陶氏祁門人勤織紉相夫起家旣豐裕猶操作不以爲勞八子其三母撫之如一歲餓賑鄰里全活無數

周廣泉繼妻程氏績溪人年二十而寡守節撫孤姑患疫氏侍湯藥晝夜扶持時閭門傳染者十五六人氏獨主中饋竟無恙

母家貧乏嗣氏爲營產立繼以奉宗祧

績溪縣志

謝邦弼妻蔣氏南陵人邦弼年二十七無子蔣爲置適室周氏
逾年邦弼病篤蔣割股救痊至次年卒周有姪己而生子永錫
氏與周撫之同室覲其產各以子爭爲之後蔣恐不利於孺子
分半給之永錫稍長擇師訓誨工詩文孫陞舉人任無爲州學
正

陳廷泰妻任氏旌德人中年孀居勤儉樂施值歲饑罄所有以
濟貧乏嘗修仙人橋大路建興仁橋茶亭並置東山坦大塘冲
茶田七畝以婦人而有士君子之行

旌德縣志

湯大印妾焦氏太平縣人夫卒一子五歲一子二歲氏念四世
兩孤不忍卽死或勸之嫁氏祝髮自誓嫡性嚴事之如姑嘗自
飫菜根榆屑而供嫡以甘脆訓子媳以友愛敦睦爲先年逾六
十猶躬親操作不倦

趙嘉穀妻崔氏太平縣人事翁姑孝相夫訓子好施予嘗捐田三十畝入族祠以五百金恤族之貧者千五百金助賑又於村旁創建家塾捐置膏火俾族之寒士肄業其中置義冢於邑之南山修龍門嶺石路十五里復捐銀三千兩助修石橋皆令其子世璣等爲之蒙惠甚眾

吳翮繼妻顏氏青陽人嫁時翮兄弟已析居翮奉父母以處未幾父歿遺幼弟甫晬顏事繼姑撫幼穉二十四年經營家產悉均分之愛前室子如所生有貓其乳犬呼羣之祥

周士信妻陳氏東流人孝事舅姑睦妯娌尤樂賑恤貧困相天爲善凡津梁寺觀及書院修之不遺餘力夫歿猶建天然塔爲一邑風水之鎮壽八十餘終

周寬妻金氏東流人性好善值歲寒常製棉衣以給貧乏子三

綱媳金氏亦好施乾隆乙巳歲荒施粥以救窮餓

高之蟠妻吳氏東流人家貧好善常令子掩埋枯骨並立冢碑而爲之誌又嘗補修嶮路以便行人

東流縣志

童士元妻張氏建德人年十二適童祖姑老病手足不仁氏爲之櫛沐十餘年無倦祖姑曰汝孝如是願汝復得有孝婦耳士元嘗拾遺金還人氏爲色喜凡有義舉無不樂爲之助教子成立壽八十四而終

東流縣志

蔡芳妻金氏太平府人樂善好施見宗祠傾圯出金三百命子修之又捐田四十畝爲烝嘗費餘卽以給族之婚喪無力者子正源亦好倡義舉能奉母教焉

徐章達妻夏氏當塗人性節儉仁愛樂施有鬻子者命焚其券而給其資歲歉出紡績錢數十緡賑族中饑湖陽嚴冬水涸渡

十五里無舟行者逢雨雪凍餒在道夏乃貯米於鎮鄉菴給僧薪水費令設食冒寒來者俾得飽暖全活甚眾

唐維寔妻陶氏當塗人少嫻內則年十八歸唐事繼姑王氏先意承旨寔遘疾幾殆氏剖股和藥救痊寔慷慨好義氏必贊成之周恤貧乏無算聞官圩民舍延燒則慨遺被焚者衣物錢米課子讀甚嚴處娣姒如姊妹御僕婢不假聲色而時卹其勞吳懋學妻鄧氏當塗人拔貢生世耀女幼讀書能文其叔父世杰歿於官耀作詩輓之未竟遽出氏卽援筆續云文章精氣畱遺篋不共春風逝落花父大異之年十九歸懋學力修婦職姑早逝每忌辰必銜哀致敬捧匱進食如事生然卒

贈安人

王廷璐妻吳氏當塗人按察使騶女于歸後相夫以德及璐歿

縞衣蔬食紡績所餘恆以周給鄰里瑤嘗見有枯骨暴露必多方營厝思置義冢未及行而卒氏承夫志買梨園山地一所爲之雍正四年圩隄水潰遺骸漂蕩氏遣人四路檢拾捐地葬埋之春秋爲具饌焚楮

徐修智妻谷氏舒城人善事舅姑修智兄夫婦俱亡遺孤學源五歲女三歲氏撫之若己子修智歿氏教姪及五子皆成立擇腴產與姪及姪女園田數十畝性好施予至老不倦壽九十有

八歲

舒城縣志

陳鵬皋妻周氏定遠人事祖姑暨翁姑孝嘗以三言教子孫曰情福則不侈惜時則不怠惜生則不忍聞者以爲名論

定遠縣志

李宗賀母葛氏鳳臺人乾隆四十七年淮水暴漲居民漂溺無數葛聞而驚泣出重貲覓船往來援救凡拯老幼男女數百口

給衣食水平乃令散去

鳳臺縣志

貢生胡同現妻江氏青陽人乾隆間出金數千改建百駕石橋

青陽縣志

新增

吳沛妻盛氏全椒人閨範雍肅教五子皆成名長國鼎妻姜氏處諸叔娣無間言撫庶子有殊恩且多遠識國器妻滕氏佐夫孝隱國縉妻程氏國對妻陳氏繼汪氏國龍妻孫氏皆克承姑訓以賢德稱

金光昊妻謝氏全椒人性純孝姑吳安人疾廢寢食侍湯藥昊爲母卜兆每購一地輒脫簪珥以助成之姪鑑早孤失乳氏以米汁食己女而專乳鑑得永叔祀嘗捐廬爲姪琮甥胡維城納聘又贖胡氏女妻吳鏌以成其家

封孺人

全椒縣志

彭魯氏全椒人嘗於門前拾遺金命子俟於道側還之其人願分其半以酬堅拒不受

韓九錫妻尚氏全椒人性端淑少從葉節母許受女訓事親孝侍翁疾終年無惰容有中表某婦賢而嫠貧甚幾不能自存時典衣資助比某以節終檢貸券盡焚之相夫教子貴而能儉遇下有恩卒年六十九婢獲中有哭失聲者

吳紹祖妻汪氏全椒人家素裕自持如寒儉親族不足者皆周恤之御下嚴而有恩課子讀書具先生饌必豐潔皆自司其烹飪子肅成名進士多賴於母氏之教云

楊作霖妻吳氏全椒人性慈淑事舅姑孝中外無間言持家以禮教子成立里黨稱女宗焉

生員李廷瑞妻朱氏全椒人端淑孝謹孀姑王持家嚴肅氏竭

力承順無違相夫成名夫歿三子俱幼奉姑撫子毓奇毓芬毓英備極艱辛皆成立有文名諸孫林立知府王賜魁表其閭曰詒燕和熊

楊志信妻黃氏六安人進士大馥女母病刲股以進年十九歸志信志信由翰林御史歷官二十餘年黃經理內政井井嘉慶六年志信守天津時郡大水籌畫拯饑全活至數萬人黃嘗典簪珥衣飾以助津民至今猶稱頌之卒年六十有九

楊之裁妻郝氏六安人幼通孝經列女傳母病刲股救愈及歸之裁家貧脫簪珥勤鍼黹以佐甘旨之裁性耿介口不言貧時有匱乏氏治園蔬佐食益以讀書立志相勸老境稍裕每以不逮養爲戚終身未嘗貳膳重裘年七十二卒以次子召官

贈孺人

王梅妻陳氏天長人事舅姑以孝聞族有夫歿將鬻其妻以治喪者其妻劉氏矢志守節泣三日淚盡繼以血氏方病聞之急出資償之招其母及子三人同居給衣食助嫁娶如是者十六年且贍以資使有所存立女甥金幼失怙恃撫爲己女弟康士喪偶遺女六歲亦育於家而皆爲之擇良配又嘗養鄰人吳國材女以成人焉

天長縣志以上舊志

同知顧麟見妻鄭氏壽州人嘉慶十九年歲饑捐銀三千兩助

賑

壽州志以下新修

朱元音妻張氏懷甯人事繼姑能得歡心里中有養婦夫貸某錢未償某謀偪婦離以聘錢償已者氏出布屬夫代償婦始獲免嚴冬時解衣衣人每自著夏服及歿貧家婦臨屍慟哭如失所恃

懷甯縣志

何汪氏生員何祥印母懷甯人孀居撫二子舅姑逝獨鬻遺產營葬不推諉夫兄夫兄每酒醉出惡言氏容忍之族有貧乞米者氏僅一月糧盡以相付里中胡氏婦除夕產子無被褥氏剪己被分給其半

懷甯縣志

張勳妻方氏桐城人事重閨戚得歡心祖翁性豪俠見戚友窘乏恆鬱鬱氏數奉簪珥助之同治七年

旌

桐城縣志 按婦女推節孝方准請旌此與吳田之妻疑縣志傳有脫文

吳田之妻胡氏桐城人姑卒遺子女六人氏竭心撫育爲畢婚嫁居常見族鄰急難必力助之同治七年

旌

桐城縣志

方某妻吳氏桐城人好施與鄰里告貸者皆如願以去歲荒有

鬻妻子者恆助之完聚

桐城縣志

潘璠妻李氏桐城人有陳某將鬻子婦氏助金勸止又出舊券

難償者還其人道光癸未水災出倉穀拯濟

桐城縣志

孝廉方正蘇惇元妻張氏桐城人孝姑秉禮自奉清儉而好施

與典質以周鄰里

桐城縣志

王錫田繼妻桐城人鍾傑女也通書翰精女紅不逮事舅姑事

叔姑謹待夫姊弟俱厚教子少曾等成立孝養孀母母歿以哀

毀卒

桐城補呈

章聖柱妻方氏潛山人姑誕子松以產歿舅悲憤欲置松死氏

祕撫之松年十二值舅誕辰令具衣冠拜父乃相泣感歎

潛山縣志

主事石廣均妻徐氏宿松人讀書識大義割股和藥以療姑疾

子繩幹供職中書氏寄詩以忠孝傳人勉之道光中連歲水災

廣均屢倡義賑氏斥釵珥施粥散棉多所全活

宿松縣志

監生徐志璜妻張氏宿松人志璜孝友好施張出匱資助之能詩文工書得靈飛香光神韻教子有禮法年八十三卒遺命勿

作佛事

宿松補呈

翰林院侍讀學士程昌期妻項氏歙縣人總兵樛木女讀書絕穎異事舅姑至敬慎操作尤勤佐內政十數年攻苦食淡昌期卒於山東學政任所挈孤恩澤扶輓旋歙事舅姑愈敬慎常親饋爨口授恩澤讀書甚嚴及恩澤以翰林視學勛以廉明食不重味躬服浣濯姑病風臥榻凡二年侍疾不離左右承兄叔姊姒以和御下公以寬戚族稱貸雖典質不吝好醫書辨寒熱虛實雖專家不能奪卒年七十五

封恭人晉太夫人

採程恩澤遺集

吳憲文妻俞氏婺源人儉約識大體隨任奉新子弟衣食均有

限制補綴衣履舉敬姜之言訓家人

婺源縣志

詹隆楨妻余氏江廷瑜妻俞氏並婺源人均以己子不壽勸夫

納妾隆楨生三子廷瑜生二子教養恩勤如所生焉

婺源縣志

贈中議大夫黟縣進士四川同知程式金繼妻張氏陝西榆林縣人祖

文奇提督銜河南總兵

國史有傳父錫嘏廣西通判氏善事老母通經史有士行深明禮

意年二十六養居守節孝事重慈撫教前子甚有恩義署安徽

按察使馮志沂作傳稱孝女節婦賢母可為經師人表云因子

受

封贈淑人同治十年

旌表節孝

黟縣三志

文生胡文淦妻汪氏黟縣人守節樂善嘗捐五百金於族立同

寬文會施藥賑粥義舉甚多

彰縣志

理問何元鞏妻張氏彰縣人文生監商女元鞏鮮兄弟家貧外
質姑及伯叔姑皆養居左右承顏紡績以佐甘旨各盡其權父
監商早逝母貧病因請元鞏迎養於家生養歿葬并室其孫中
年家業稍裕勤儉一如貧時而大義所關施予不吝相夫治家
六十年四世一堂秩然禮法有鍾郝遺風年七十八卒

採訪冊

州同朱承瑋妻盧氏彰縣人相夫教子樂善好施禦侮定變識

量閭遠彰縣志

杜金錢妻甯氏太平縣人夫弟外出傳聞遇害氏撫幼姪與己

二女同後賊踞村糧絕不能兼顧遂棄己女攜姪逃出姪賴以

全

太平縣志

監生崔枋妻劉氏太平縣人夫病狂見人輒呵撻氏日遭捶楚

流血被面無怨色姑憐而慰之氏曰吾命也亦吾分也如此者

數十年

太平縣志

胡樹滋妻汪氏青陽人道光中獨修考棚復捐二百金并市房

爲新生花紅費

青陽縣志

當塗從九品唐允球繼妻王氏江都人慈勤有識量操作自勵凡義舉皆佐夫爲之夫歿嗣子與所生子俱幼又頻年水災家計窘甚氏慨出簪珥供用支持十餘年嗣子病飲食藥餌親自調治及卒以哀慟成疾歿

贈宜人

當塗縣志

拔貢朱德祺繼妻姚氏當塗人慈厚勤儉佐夫苦學視前室子媳如己出侍翁姑於來安縣學署日事中饋治園圃夜鍼紉達旦翁姑與夫及前室子媳相繼歿家貧子孤以鍼黹助生活後

稍裕周恤親族諠諠以積德惜福爲子孫訓年九十二卒

富塗縣志

監生許樹型妻黃氏合肥人巡撫黃鳴傑女也于歸後姑歿事

庶姑能委曲將順諸子在襁褓中卽訓以字義及小學族戚告

貸雖窘乏必應有鬻妻者拔簪珥全之待下寬恕終身無疾言

遽色

合肥縣志

王某妻合肥繆錫疇女諫夫勿受粵逆僞職不從自經死

合肥縣志

方傳尹妻姚氏桐城人名芙卿字鏡賓姚鼐曾孫女也賢而能

詩歸傳尹甫一年城陷賦詩云到此何妨拚一死好畱清節在

人間從容自經著繡餘詩一卷

桐城縣志

庠生左星穀妻方氏桐城人工詩咸豐三年城陷殉難絕命詩

云可堪貔虎三千士辜負

皇恩二百年又云遺屬兒孫無別語好收骸骨葬龍眠

方培藩哲甫遺集

重修安徽通志卷三百六十六

人物志

列女賢淑

六

監生王樾妻李氏廣德人知書能詩咸豐十年粵賊圍撲州城李口占云滿目烽烟黯淡形又傷兒女淚長零合家到此誰完聚共取冰心寄碧汀自沈丁家塘而死廣德州志

崔膺賞妻汪氏太平縣人咸豐十年城陷氏謂膺賞宜速走膺賞不決與女跪地哀求乃攜子出氏及女璋姑局戶絕粒死太平縣志

縣志

黟縣武生程國泰即程嘉興妻汪氏黟縣人有婦德相夫教子以賢

淑稱同治癸亥粵逆犯黟城陷氏避地二都遇賊大罵死之奉

旨旌表後以子廕錫職銜

贈宜人黟縣志列女傳及選舉表

監生張克恭妻田氏霍邱人文生田光燾女也幼通經史于歸後披吟不倦室中圖書滿架手寫通鑑綱目全部以訓其子咸

豐七年霍邱城陷從容自經

霍邱縣志

義媼周氏霍邱裴精中之保母也賊得裴將加刃周身蔽之受創十數不退賊義而舍之又貢生李二南之母爲賊所得義媼儲氏蘇氏素受母恩舍死護衛鱗傷不去李母獲免

霍邱縣志

文生金銚妻王氏全椒人名叔慎優貢王城之女與姊仲微妹季欽並能詩相唱和有三珠閣詩鈔叔慎食貧孝姑避難姑歿與夫俱不食死

全椒縣志

江貴壽妻王氏歙縣人名保姑父母惑於媒妁之言以字貴壽樵人也年倍王氏又姑老家貧氏佐以女紅爲生無怨言夫卒姑亦老死氏依母以居嗣以針黹入曹文正家導其從孫女曹女適方氏亦偕往凡事父母翁姑相夫子治家之道皆教之歲積傭資治夫與姑墓餘卽捐於祠堂爲祭祀費咸豐十一年方

氏挈眷避賊於山野賊氛惡復棄眷逃時曹女有妊不能行氏乃匿之深草中又懼其搜獲之乃獨立以待賊賊傷其喉而去復帶傷就近求糠麩和水以進曹女自忍飢凍不數日死曹女父避賊他鄉夜夢王氏告其女所在急求得之知卽王氏絕命日也

兩江忠義錄

許守訓女領姑歙縣人適同邑某生其翁諸生也咸豐十年賊陷徽翁舉家從賊氏泣涕諫之不聽遂自縊翁後以忤賊全家

被殺

兩江忠義錄